

道光会稽县志

序
卷目

天章
地理志上

殿志 657

地 240.123

36.1

21-5

36.2

道光會稽縣志凡例

一各志凡仍錄舊志者則註其姓氏曰某志萬厯志係張文恭徐天池兩先生同輯不能指為誰今但註曰萬厯志康熙志雖出董氏一手亦註曰康熙志至所引府志則亦繫以康熙乾隆年號以昭畫一

一各志每卷皆繫小序於首雷同勦說於本地事實全不相關茲不復贅

會稽縣志

凡例

一叙事有不能詳細備載全賴碑記而傳者附載各條之下其或篇幅太長無關本事者稍加酌節以省繁冗

一舊志所引不詳出處覽者無從考證茲悉標明某書某志不敢掠美其得自冊報採訪者則註明新增採訪呈報字樣惟職官選舉物產等門續增者不註

一舊志有沿訛者有關漏者茲舉所知於本條下

並加案語

一朝廷最重易名之典志內遇有先儒名臣除本傳外其已諡者則稱諡而不稱名以志景仰

一舊志分野不專指會稽一邑未免統同茲細查經緯度分用勾股法細心測算以昭區別

一則壤成賦代有因革志田賦者當畧古而詳今茲採輯各代之制而折衷於我

朝賦役全書以備考核而重法守

會稽縣志

凡例

一舊志灾異一門蓋仿通鑑之書不記符瑞故也茲仍之昔漢策灾異而以青歸郡國敢以告諸司牧者

一舊志於歷代職官以次悉載其有功德於民者據事立傳否則但存其名今仍之附名宦傳於官師表後俾後之官斯土者觀所載之詳畧知所以自鏡云

一選舉志所載其祖籍本屬會稽而寄於外籍者

悉為採入仍註明某籍以便查核惟年分已久
冊籍無存遺漏恐多周諮博采不無望於諸君
子

一舊志人物有列傳一門與各項名目別出體裁
未當茲仿照府志增為鄉賢宦蹟兩門鄉賢則
據學冊移送以曾經奏准者為斷宦蹟亦必其
政蹟實有可傳若徒託空言毫無實政者概不
攔入

會稽縣志

凡例

一儒林之於理學具體而微舊志儒林一門不無
冒濫茲秉公核實擇其尤醇者附於理學之次
一孝行一門空言奉養義行一門空言施與者概
不濫登惟義田義學義塚義倉皆本昔賢遺法
而在今日有能好義急公者尤足以挽澆風而
培元氣雖未經申報有司亦為載入以昭激勸
一新增人物必準蓋棺論定之義不敢曲從惟節
婦年例已符雖其人尚存例得請旌亦得載志

不在此例

一山會附郭向來籍貫互通自奉道光二十五年新例為始不得混淆茲志節婦各從其夫之籍貞孝女各從其父之籍

一仙釋一門別為外志從通考體也寺院以類附人物一門舊志有於例未協者摘出數條并新所採訪呈報而於各門無所依附者別為雜志仿嘉泰志雜紀體也

會稽縣志

凡例

一志內遇有應避字樣一概敬避其應行缺筆者則仍缺筆以遵功令

一節烈一門自康熙二十二年以後續據乾隆府志補入核嘉慶以來請旌冊籍散佚不少矧有無力請旌者其名湮沒不彰何可勝道今悉心採訪無論已未請旌但於年例相符一概登載詳者傳畧者列表以彰芳節

一萬厯志以會稽分邑自隋始人物亦自隋始今

仍之惟厲賢以所居之地為斷畧採一二非自
亂其例也

一舊志無經籍金石然志以徵文不容缺畧茲增
入兩門使考古者得資蒐討

道光會稽縣志總目

卷首

天章

卷之一

地理志上沿革分野疆域

卷之二

地理志下山川嶺峯
河海
嶺峯
江
洞
石
浦
井
瀆
潭
池
泉
涇

會稽縣志

總目

卷之三

建置志上城池衢路署廨坊里

卷之四

建置志下市鎮關壩渡
鋪
倉
局
諸義舉
橋

卷之五

田賦志
戶口

卷之六

水利志

卷之七

風俗志

卷之八

物產志

卷之九

災異志

卷之十

學校志

會稽縣志

卷十一

武備志

卷十二

職官志 官師表 名宦傳

卷十三

選舉志 薦辟 特用 制科 貢生
舉人 進士 武科 武甲

卷十四

祠祀志 壇廟 祠

總目

卷十五

陵墓志

卷十六

古蹟志

卷十七

人物志一 寓賢

鄉賢

理學

儒林

忠節

卷十八

人物志二 孝行

義行

宦蹟

會稽縣志

總目

卷十九

人物志三 文苑

隱逸

藝術

卷二十

人物志四 貞烈

節烈表

卷二十一

經籍志

卷二十二

金石志

卷二十三

外志仙釋

寺院

宮觀

庵堂

卷二十四

雜志

卷二十五

舊序

會稽縣志

總目

道光會稽縣志卷之首

天章

聖祖仁皇帝御製詩

謁大禹陵

古廟青山下登陵曉霽中梅梁存舊蹟金簡祀神
功九載隨刊力千年統緒崇茲來薦蘩藻瞻對率
羣工

聖祖仁皇帝御製文

會稽縣志

天章

禹陵頌有序

朕閱視河淮省方浙地會稽在望爰渡錢塘瞻拜
大禹廟瞻眺久之勅有司歲加修葺春秋蒞禋粢
盛牲醴必豐必虔以志崇報之意時康熙二十八
年二月十五日也緬維大禹接二帝之心傳開三
代之治運昏墊既平教稼明倫由是而起其有功
於後世不淺豈特當時利賴哉朕自御宇以來軫
懷飢渴留意河防講求疏濬漸見底績周行山澤

益仰前徽爰作頌曰

下民其咨聖人乃生危微精一允執相承克勤克
儉不伐不矜隨山刊木地平天成九州始辨萬世
永甯六府三事政教修明會稽鉅鎮五岳媿靈茲
惟其藏陵谷式經百神守護松柏鬱貞仰止高山
時切景行

御題禹廟匾聯

地平天成

會稽縣志

天章

江淮河漢思明德

精一危微見道心

康熙四十二年

御題南鎮廟匾

奉懸廟中復
建亭立石

秀帶巖壑

王紳紀

皇上御極之四十二年久道化

成仁風翔洽乃穆清之上猶復厯懷民事宵旰
弗遑春正月以兩河告成

親臨閱視省

方問俗布德施惠爰及回鑒正屆三月十
有八日為聖壽五十誕辰萬方臣庶嵩呼
雷動請上尊稱皇上虛衷若谷不以鴻名
顯號為榮惟以物阜民安為念特頒明詔覃沛
宏恩凡内外文武臣工以至士庶及禁軍營
卒並沐膏澤而嶽鎮海瀆之神亦分遣使臣
以禮祭告于是臣紳奉命致祭南鎮陛
辭之日更蒙頒賜御書祠額賚奉以

會稽縣志

天章

行臣薰沐稽首瞻仰天章見夫嶽峙淵渟
之中銀鈎鐵畫之力龍跳虎卧鳳翥鸞翔之勢
從心應手無美不臻皇上萬幾餘暇契一
畫之心源參六書之妙義能事本於天縱宜其
超聖入神愛絕千古有非蠡管所能窺測萬一
也臣按周禮東南之鎮山曰會稽南鎮之名昉
此歷代祀之雖五鎮並稱而是山獨當禹會之
地襟江帶海控扼天南所謂千巖競秀萬壑爭

流者自來未有宸翰標題今我皇上肇錫
寵光山靈佑被其默鑒聖天子保泰殷懷
而益福芘疆土可知矣臣至杭州先奉御書
與巡撫臣張泰交敬觀拜手頌颺隨雕鏤璇榜
諏日高懸遠邇具瞻色飛神悚更念曠古盛典
蹟奎章墨寶石可不垂諸琬琰謹書石摹勒于
以留鎮此山昭示萬禩當與神禹岵嶺之碑並
傳不朽而宛委之峯為軒轅氏金簡玉策之所

會稽縣志

藏從此榮光燭天映發於岡陵山阜之間永永
無極也凡贊襄鉅典者實與有慶幸焉

康熙四十四年平陽寺

勅賜傳燈寺額五十二年復頒

御書金剛經一部

康熙四十六年顯聖寺

勅賜寶嚴寺額舊名看經院

高宗純皇帝御製詩

謁大禹廟恭依

皇祖元韻

展謁來巡際

憑依對越中傳心真貫道底績莫衡功勤儉鴻稱永儀
型

聖度崇深惟作民牧益凜亮天工

禹廟覽古

得涖稽山峻言瞻禹廟崇碑文擬衡嶽井穴達龍

會稽縣志

宮閤訊傳工部棲遲遇義公錞于尋豈在窆柱恨
難窮帆石終隣誕梁梅久付空惟因敷土跡天地
並鴻功

舟行雜興三十首

恭錄若耶一首

若耶只隔一溪灣好似天風吹引還寄我閒心與
明月他年證取水雲間

茅山正譌

壬午春巡將發金陵道句容徵三茅之勝而邑誌

率撫吳越春秋禹改茅山曰會稽為茲山數典所
自是援越入吳疆域紊而世代淆予不可以不辨
按史記註引越傳禹到大越上苗山苗與茅古字
通而小異其為屬越則均水經注漸江條云會稽
古防山亦謂之茅山別傳稱防者蓋以防風後至
故而漸江即浙江其山隸今紹興境明甚若句容
之茅山本名句曲亦名已山自後漢茅盈兄弟學
仙於此三茅之名始著距吳越時既遠與紹興又

會稽縣志

絕不相蒙輯志無識者沿名竄附牽連為一謂會
稽同出異名若良常秦望海江仙韭之屬二十有
六實為一山且注出吳越春秋今覈全書初無是
語况自紹興至句容道踰千里中隔一江三茅即
號地肺安能呼吸一氣若此使其言然則方內纍
纍宮霍蜀繹者疇不當名之曰崑崙岱宗乎再考
江甯郡志良常秦望仙韭諸山並與句曲壤接道
里可數更於紹興無涉即以所引秦望言紹興句

容皆有要各自為一山未可強而合之獨於茅山
乎何疑或曰會稽為古揚州鎮山後漢移會稽郡
治越秦初置時本治吳焉知會稽始名之茅山不
可通於句曲後著之茅山也予得仍以吳越春秋
正之其書凡六卷前吳傳三後越傳三茅山之改
名會稽入越外傳不入吳內傳當時方隅所限詎
不較然風馬牛哉用顰縷之以俟後之訂山經者

御題禹廟匾聯

會稽縣志

成功永賴

績奠九州垂萬世

統承二帝首三王

御題南鎮廟匾

表甸南疆